

FARANDULA

ORANJESTAD(AAN)— Duo Melao di Aruba, Sharon Rose y Efrem Benita ta cosechando exito grandi na Curacao den nan presentacionnan na Princes Beach Hotel.

E show cu nan ta presenta ta ser considera como un espectaculo di nivel internacional halto, y cu e combinacion di voz di e dos artistanan di Aruba aki a sorprende tur esnan cu a mira e shownan cu ta ser presenta.

Na Curacao ya caba ta ser comenta hopi ariba un cancion na ingles cu

ta ser canta pa e duo aki y cu ta composicion di e conocido artista Junie Juliet cu tambe ta un di e musiconan cu ta acompaña Duo Melao na Curacao.

E agrupacion aki ta consisti di solamente tres persona, pero e musica cu nan ta saca acompaña pa e voznan di Sharon y Efrem ta duna e impresion di un orquesta.

Sharon Rose y Efrem Benita como Duo Melao ta gosando di un popularidad grandi na Curacao, te cu Tele-Curacao a graba un di nan show-

nan por completo, pa transmiti den e dianan venidero.

Fin di e luna aki, Duo Melao lo presenta den un show na Holiday Beach Hotel hunto cu Mavis Albertina y Guillermo Gonzalez cual lo ser filma pa Tele Curacao, pero tambe pa Radio Caracas Television, y sigur pa e programa Fantastico di Guillermo Gonzalez.

Ta un satisfaccion grandi pa lesa y tende comentarionan masha positivo di presentacion di artistanan di Aruba na Curacao, especialmente ora cu tur

e comentarionan ta mus- tra ariba e nivel profesio-

nal halto di nos artista- nan.



SHERMAN BROTHERS DEN SABADO SENSACIONAL

ORANJESTAD(AAN)— E siman aki, e grupo Antillas y e sigul mes ora pa Venezuela, e agrupacion Sherman Brothers.

E weekend aki lo por mira nan un biaha mas den Sabado Sensacional, unda nan a bira artistanan internacional di e programa di television aki desde nan prome actuacion dos aña pasa y nan exito grandi aña pasa den e mes programa.

Despues di graba algun programa mas, Sherman Brothers ta regresa Antillas y lo duna show ariba e diferente islanan.

No ta sigur sinembargo si nan lo duna show na Aruba, ya cu ta depende di e permiso cu por ser haya pa un di e integrantes cu ta viaja hunto cu e grupo pero cu no ta Antillano.

Si na Aruba logra haya e permiso necesario pa e integrante aki, ta casi sigur cu Sherman Brothers lo duna presentacion ariba nos isla tambe, ya cu aki nan ta goza di un popularidad enorme admas.

E shownan ta ser presenta pa Robby Schouten cu ta manager di e artistanan aki, y sigur ta cu

e lo tin un nivel internacional halto, y lo bira mes of mas atractivo cu e shownan cu Dhaddy y Tony a presenta na Aruba na varios ocasion.

Sherman Brothers tin intencion di viaja pa Aruba tambe cu nan grupo musical y nan grupito di baile, cual grupo aparentemente ta e mes grupo cu anualmente ta prepara e shownan na Curacao cu Tony y Dhaddy y viaja cu nan pa Aruba.

Ta conoci cu na Bonaire varios oferta a drenta

caba pa Sherman Brothers presenta eynan, y tambe na Curacao, e interes ta grandi pa show di e grupo aki. Na Aruba e expectativa ta cu nan lo haya e permiso necesario ya cu e integrante cu ta cu nan aparentemente no ta cantante pero mas bien un tecnico, pero confirmacion no a ser haya di esaki ainda.

TA HUUR
LOADER CHUBATO
Fls. 50,- pa ora
TRUCK gr. 15 yrd.
Fls. 40,- pa ora
TA ROSA CUNUCU
YENA FUNDESHI ETC.
Pa informacion yama
Tel: 21329 of 26216

TROMP CEMENT PRODUCTION

conoci pa calidad den Blokki di cement, ta ofrece awor:
Blokki 4" masief a f.1,-
Blokki 6" masief a f.1,50
Entrega.

Traha machinal cu e mundialmente conoci Columbia Machine. Tel: 24594.
TANKI LEENDERT 203A

BARATILLO ANNIVERSARY SALE BARATILLO

En connexion cu Celebracion di nos promer lustro

GIOVANNI'S

Ta ofrece un TREMENDO BARATILLO riba tur articulo den stock.

E descuento aki lo ta di 30o/o

Haci nos un bishita y convense bo mes cu esaki si ta un BARATILLO

E Baratillo ta dia 22 y 23 di maart 1985

Nos tin tur articulo pa cas.

GIOVANNI'S

Santa Cruz 324-Tel: 28390

"IMPORTANTE" Pa Floristeria, Jardin y Publico en General "LA LINDA"

Tin un gran surtido di Florero y Baki di mata y Columnas di Ceramica di Primera Calidad Treci exclusivamente di Venezuela Na prijs HOPI ECONOMICO.



DAVIerna SANTO
5 di APRIL

10'or

di mainta en punto nos ta sali for di Misanan di Noord y San Nicolas pa bay

NA CAMINDA
PA SU CRUZ

Comision Juventud 85 ta pidi tur joven y nan mayornan pa participa